

痘疹世醫心法卷之三

出見證治歌括 凡二十二條



熱蒸三日痘現形 此為常候不須評

過期不及多乖氣 論治先分虛實因

痘瘡之毒蘊伏在裏非熱蒸則無自而出是以古書云熱蒸三日而斑生發熱三日痘瘡以漸旋出者不論疎密皆吉得常候也疎者不須服藥密者以和中解毒之劑審而調之如纔發熱一二日間痘瘡便一齊湧出者須問其曾數日前有熱否如曾數日前進

表虛出太驟

出太驟主治

傷風傷食熱久不以過期論

裏虛出遲

退熱以過期論。惟原未發熱，至今纔熱，便斑現。此表氣虛榮熱，衛弱腠理不密，肌肉不實，不能約束於外。使毒火冲擊，故出太驟也。宜用實表之劑，可以無癢癩。無潰爛，實表解毒湯主之。一百一十二。如發熱四

日至五六日後始出者，須審視。曾有外感內傷否。蓋傷風寒，傷食之熱，久而不去，則所蘊瘡痘之毒，亦能乘間而出。不可以過期論。惟無內傷外感之因，一向熱而不出，此裏氣虛而不能驅逐其毒，使之即出。而毒邪得以留連，停伏於臟腑腸胃之間。宜先用托裏

出太遲
治

之劑令其快出。次以和中之劑。多服之。可以無伏。無

陷。無倒。壓。托裏宜托裏快斑湯。一百十三。或十宣散。

三十七。和中宜四君子湯。一十。加黃耆。或調元湯。十

八。合勻氣散。十三。主之。

發熱微微報痘疎。未曾起發。早先收。

此名試痘。休空喜。一湧齊來。甚可憂。

痘曰聖瘡。謂變化莫測也。有等身無大熱。報痘又疎。

也不貫膿。也不結靨。三五日後。痕跡不見者。此名試

痘。不可誤作輕看。再過三五日。忽作大熱。其痘一齊

試痘

湧出。此有險逆二證。宜審治之。

蘄水縣華桂山李雙溪家。戊申春出痘。長子病痘死。次子出二三粒。未起發而沒身。亦無熱在外。馳騁。是時予尙未與結親也。及吾婿病。乃請予往。予謂雙溪曰。小令嗣神采明潤。形體充實。出痘必輕。次令嗣氣色昏黯。精神倦怠。出痘必重。衆皆曰。已出過二三粒而收也。予曰。不然。痘出雖有輕重。未有不成膿結痂者。先者試痘。其證爲逆。身雖無熱。伏在內也。時一瞽者。星有大災。衆共笑之。過

試痘治法
效驗

數日復作大熱一齊湧出身無空膚予用參耆歸
芎甘草節以養氣血荆防木通青皮牛旁子連翹
金銀花酒炒苓梔桔梗以解其毒作大劑一日一
服調理至十三日後遍身潰爛不卽收靨予改用
十全大補湯去桂加白芷防風服之外用敗草散
貼襯前後三十餘日而安噫不有予在安知不如
瞽者之言

瘡出遲遲有數般

皮膚閉密屬風寒

內虛自利須分辨

毒伏三焦治却難

外感風寒
出遲

感風寒分
強弱至治

內虛出遲
至治

自利出遲
至治

痘疹之出自有常期如過期應出不出有數證不同

不可不辨或內素實之人皮肉厚密毒氣難於發越

一旦恃其體厚不怯風寒又為外邪所襲或體素弱

者風寒易感以致腠理閉密氣血凝澁故應出不出

也其證頭痛四肢拘急俛倚蓋覆常惡風寒此類宜

發之氣強者用雙解散四氣弱者用參蘇飲三或惺

惺散一百十四或內虛者脾弱食少宜用補脾之劑

加行氣發表藥四君子湯二十調元湯十八並加木

香青皮黃耆桂枝或臟腑自利宜用溫裏之劑黃耆

建中湯三十一益黃散四十五並與奪命丹十七合

進利未止者豆蔻丸四十三合進蓋裏溫則氣不消

削氣不消削則不陷伏矣若依上法分治猶不出者此毒壅伏於三焦不火而變生焉。

試痘治法

本邑王芸野子二歲庚申四月發熱出紅點一二

粒先請喻醫未經歷其事者呼爲順痘再請予視之見其額紋青氣年上赤光乃告之曰此險痘也先出者名試痘中氣不足毒氣隱伏故出不快也以調元湯加防風木香服後其痘旋出喜無他證

十三日而安

數日蒸蒸出不齊

欲行踈發竟生疑

按方如藥觀瘡勢

表裏平和痘本稀

聞人氏規云是瘡疹證熱數日而不發見者進退皆

難便欲大發之懼其本稀而成斑爛不發之又無以

長痘斟酌
法

出其毒氣古人立論始以藥微發之微發不出則加

藥加藥不出則大發之大發之後所出不多氣候和

平無他證者即是瘡本稀不可更發也以此言之發

不至大過守不至不及乃用藥之員活也愚按古方

用發表者，升麻葛根湯，輕劑也。惺惺散，重劑也。謂微發，謂加藥者，或先用輕劑，後用重劑，或只用本劑，先小作湯，少飲之，後漸加大，多飲之，非謂於本方之外，再加辛熱大發之藥也。

應出不出，却如何。發表和中，良驗多。

腹脹，屎鞭，煩躁甚。通腸解毒，救沉痾。

凡痘疹過期，應出不出者，或因外感風寒，依上發表之法，或因內虛泄瀉，依上和中之法，如按法調治，猶不出，快熱反甚，大渴腹脹滿，大便鞭結不通，煩躁不

大渴腹脹
便結主治

安者此毒邪壅伏於內三黃丸八柴胡飲子九十九

擇而用之甚則三乙承氣湯主之三十並用胆導法

五十一 聞人氏云且身熱脉數大便秘而腹脹此熱

瘧未出宜微下

毒壅遏未見形狀者當微下之非微下則熱不減此

瘧已出勿下

是始者熱在裏斑未出之時也若斑點隱隱在皮膚中者是已發越在表瘡正發時則不可妄下也又有

瘧窠痂

結膿窠痂疔之際脉尚洪數能食而大小便秘此表已罷裏有熱毒宜微利之犬抵臟腑有熱往往利大

下証

小便者以其主出而不內故也

本邑余龍泉只一子光庭庠生也年十九染痘發熱五日不出請予及韓兩峰治之兩峰明醫與予素厚予問其證未更衣三日診其脉細而數雖有下證元氣怯弱不可下也乃謂兩峰使作胆導法不得通病者煩躁家人惶惶予思發熱日久毒留其中燥糞閉塞肛腸乾枯氣不得行血不得潤膽導力小不能通也自立一法取猪尿胞一枚以猪膽汁半杯清油半杯蜜半杯三物攪勻入胞中如作膽導法取下燥屎二十餘枚氣通熱解神清而

胆導法變
通治驗

痘亦出矣。予笑曰：此法外之意，可以垂法於後矣。
韓亦心服。

胡三溪初生二子，丁酉年往監，乃以長子托予次子托萬紹，紹名醫也。戊戌春，長子先出痘，予守治。十一日而安，次子續出痘，紹不知小兒痘證，強以爲知。予聞其子乍熱乍退，兩足俱冷，數日不大便。痘先出者，猶是紅點，亦不起發。乃念三溪之好，往視之，驚曰：此逆痘也。紹曰：順痘，何以驚爲？予詰之曰：何謂順痘？紹曰：熱微毒亦微，熱甚毒亦甚。今熱

毒火內蘊
不得發越
之症

天下之咎

不甚故云順也。予曰：不然。痘本火毒，待熱而發，如發熱而不煩，不渴，大小便如常，精神清爽者，此熱在表，其裏無邪，毒火發越而痘易出，易靨也。若煩躁不安，大小便難，昏昏喜睡，此毒火內蘊，不得發越，表熱雖微，內熱則甚，何謂熱微？毒亦微也。此子乍熱乍退者，毒火之往來也。大便不通者，毒火之鬱遏也。痘見紅點而不起發者，毒火之陷伏也。足冷者，火極而兼水化，謂之厥逆也。紹不以爲然。至次日紅點俱沒，煩躁轉甚，紹曰：此內收也。予笑其

狂家人惶惶請予治之予歎曰醫貴同心彼執偏見以致誤人非此兒之數醫之咎也翌日死

痘出常須令氣勻更宜和煖氣如春

氣勻出快無壅滯偏熱偏寒氣不行

行表氣藥

張氏從道云瘡痘氣勻即出快蓋氣勻則榮衛無滯用勻氣之藥如桂枝防風荆芥穗薄荷葉所以行在

行裏氣藥

表之氣而使之無滯也故凡發表之劑多用之木香青皮枳殼木通所以行在裏之氣而使之無滯也故凡和中之劑多用之又瘡出之時常宜和煖就如三

不善用藥
偏熱偏寒
氣俱不行

春發生之氣則氣血和暢自然其出快其發透其曆
齊若偏於太熱則壯火食氣其氣反虛而不能行若
偏於太寒則氣凝澁而不得行矣

瘡出熱退毒已盡、蒸蒸不減毒尤甚、

番次常出漸加多、外邊只怕乖形證

痘瘡之證其初不免於發熱者未出毒邪在裏煎熬
氣血薰蒸臟腑而然瘡既現形則毒洩而熱解所以
瘡出熱退者瘡本必疎若瘡已出熱不少減此毒蘊

痘出熱不
減主治

於中其勢方張其瘡必密宜急解其毒連翹升麻湯

六加防風、荆芥穗、地骨皮、或解毒、防風湯一百一加

升麻、或東垣黍粘子湯一百七服湯之後瘡或不出

或再出其熱頓減者為氣和也熱若不減瘡見加多

再消詳大小便何如大便不通柴胡飲子九十九小

便不利連翹湯八十八大小便俱不通八正散四十

自利者黃芩湯四十一加白頭翁酒黃連調赤石脂

末裏氣和毒解矣如更加渴煩躁不已或譫妄或腹

脹滿氣促或自利不止手足厥冷此乘戾之證勿治

麻城橫河鄒清溪之妻劉松石之外甥女也嘗生

乘戾不治

熱仍不減
看大小便
分治

數子皆死於痘戊午冬一子甫五歲出痘先請傅
醫治之服保元湯熱益甚又請李醫至曰險痘也
清溪夫婦不安乃託吾邑汪玉虹敦請玉虹乃清
溪之妹夫也予往視之曰此順痘也期十八日而
安不須服藥汪皆曰今自發熱日計已六日矣何
以又要十八日况痘不服藥何以得痊今進保元
湯三劑矣尙有一劑未服予告之曰痘瘡不可以
日期筭只看痘出已盡發已透膿已滿而後收靨
可期也今痘出而熱轉甚者出未盡也由服保元

看痘以出
齊論日期
之驗

湯犯實實之戒故令出遲。屬亦遲矣。吾聞善攻者、
 不如善守、本無他病、何以藥為。吾為爾保全是子、
 無憂也。清溪聞其言、撫掌大笑曰、早聞金玉之論、
 使吾夫婦有賴矣。傳李二醫未去、皆深服之。

出現先於面部中

其間凶吉妙難通

遶唇夾頰方為吉

額角眉心總是凶

經曰諸痛癢瘡皆屬心火。心之華在面、痘瘡之火其

出先在於面、但觀其出之部位、可以知其候之吉凶。

如先在唇四畔、或兩頤、出者吉。蓋太陽之邪、下傳陽

看部先出

吉

明陽明者胃。與大腸積陳受朽。氣血俱多。又口爲水。星頰頤屬腎水。火爲水制不能作虐也。如在額角眉。心先出者凶。蓋太陽足壬膀胱水。手丙小腸火。丙火獨旺。不受壬水之制。其毒併於膀胱之經。而先自病。膀胱多氣少血。又正額屬心火。火不務德。妄行無忌。心爲君主之官。主危則十二官皆危矣。凡起發成癩。結痂亦如此論。

頭面呼爲元首尊。

咽喉緊隘譬關津。

莫教瘡子多稠密。

鎖項蒙頭總不應。

蒙頭

頸項

經曰頭者精明之府。又曰春氣者病在頭。可見頭乃人真元會聚之所。為發生之本。又面列五官。分五行。而五臟之華皆見於面。是頭面者人君之象。至貴至尊。不可凌犯者也。咽者胃腕水穀之道路也。主內而不出。喉者肺腕呼吸之往來也。主出而不內。在人之身。譬猶關津要路也。瘡痘之出。最要頭面稀少。頸項無方。是吉兆。若頭面多者。謂之蒙頭。諸陽獨亢。五官俱廢。神門失守。精華自嘆。經云神去則機息。氣止則化絕者。此也。頸項多者。謂之鎖項。內者難出。外者難

五心有痘者重

入上者不升。下者不降。經云一息不運則機緘窮一

毫不續則霄壤判者此也。故皆不治。又五心有痘者

重謂心窩及兩手兩足心也。即勞宮湧泉二穴

胸前頭面總宜疎。手足雖多不用憂。

若是遍身都密甚。却愁氣血不能周。

陳氏文中曰痘瘡輕者作三四次出頭面稀少胸前

無蓋頭面者諸陽之會胸者諸陽之所受氣此數處

痘子宜少不宜多以清陽之分不可濁亂也手足雖

諸陽之本乃身所役使卒伍卑賤之職非若頭面為

頭面稀胸
前無手足
雖密亦吉

元首也。又居四末，非若胸膈心肺之居，神明之舍也。故雖稠密，不必憂也。若頭面胸項手足稠密，瑣細一様者，却愁氣血衰微，脾胃虛弱，不能周流灌注，起發不透，收靨太遲，而生他變矣。

最宜磊落如珠豆

偏怕相粘聚作堆

蠶殼蛇皮生不久

蚤斑紋跡死相隨

磊落吉

凡痘瘡之出，不論疎密而論，磊落若磊磊落落，如珠如豆，顆粒分明，尖員緊實，雖密無妨。此謂出盡無留。

毒也。如粘聚成叢，模糊作塊，不分顆粒，恰如紅瘤，雖

粘聚凶能引日

蚕殼蛇皮
蚤斑蚊跡
出未久凶

痘太赤主
治

只一二處未可言疎此謂之伏出未能盡若待後者

再出則先者或陷而伏隱或癢而俱潰成壞瘡矣此

猶淹延引日久而後斃若如蠶之殼如蛇之皮此氣

至而血不榮也謂之乾枯如蚤之咬如蚤之嘍此血

至而氣不充也謂之陷伏不能引日奄忽而死矣

初出形來艷色嬌
定知皮嫩不堅牢

溶溶破損添愁緒
箇箇成漿喜氣饒

痘瘡初出與未病時皮色一般者善若瘡太赤根下

皮色通紅此血熱氣不能管束也後必起發太驟皮

痘疹論
卷之三
三

嫩易破。癢癩而不可救。宜急解血分之熱。四物湯。十

九加升麻。地骨皮。紅花。紫草。或消毒飲。十六活血散。

十四合而飲之。待色少淡。急補氣分之不足。四君子

湯。二十加黃耆。防風。木香。或調元湯。十八參苓白朮

散。二十三合而飲之。仍用血氣二方相間而服。若成

漿不破損。吉。服藥不效。反增瘙癢者。命也。

本邑胡近城次子。未出痘先。兩頰赤躁。請予八子

邦靖醫。予謂靖曰。傷寒論云。面色綠綠赤者。陽明。

熱也。若不預解。至出痘時。此處必甚稠密。而亦貫

兩頰赤燥
主治效驗

痘甚密紅
艷主治効
驗

未起透治
驗

串難屬教以升麻葛根湯加防風牛旁子連翹三服而紅色盡去痘出亦踈時庚午冬也

汪懷江次子五歲辛未二月出痘甚密且紅艷懷

江恐其不吉請予四子邦治醫予謂治曰險痘也

氣實血熱可治也教用當歸稍赤芍藥生地黃防

風荆芥穗牛旁子連翹桔梗甘草以解其毒連進

三劑紅色盡退猶未起發得透也再教用黃耆防

風甘草赤芍藥牛旁子桔梗青皮山查肉連翹調

理十五日而屬

趙曰臨胸一小兒生痘色赤驚悸煩渴大小便急

余令用生地黃木通麥冬去心各四分人參梔子

仁各三分竹葉七片燈心七莖水煎服前症悉退

最怕頭焦烏焮焮 更愁皮嫩水溶溶

膚中寒粟工知避 皮上針頭治罔功

痘形四善

痘瘡初出有四善紅活明潤緊實堅厚尖圓布散磊

落稀疎蓋痘子賴血以潤之血活則其色如丹砂如

雞冠若毒凝血聚則遂成黑色今頭焦黑者乃榮血

痘瘡頭焦
黑主治

不能流行內外毒氣壅遏此證甚危其人必大小便

秘喘急煩躁宜用柴胡飲子九十九當歸丸一百通

關散二百十五三乙承氣湯三十看輕重緊慢用之

以解裏之急得利後以紫草飲六十三加味四聖散

六十四調無價散七十三以解表之毒仍用臘脂塗

法七十六瘡變紅活以漸起法者吉若更乾黑者凶

莊氏云斑瘡倒靨而黑色者謂之鬼瘡○痘子賴氣

痘皮嫩薄
淫濕主治

以束之脾胃強氣實則肌肉厚皮膚堅今痘皮嫩薄

溶溶如淫濕之狀乃脾胃氣虛其人必少食或自利

宜用十全大補湯三十八去生地黃加防風白芷外

用天水散九十四蜜水調拂瘡上以解表之濕熱瘡

若起發成漿者吉漸變癢瘍者凶聞人氏云瘡痘作

癢深為可慮能調和愛護勿令有此乃為上策痘子

初出不成顆粒但皮膚間濟濟簇簇如寒風粟子之

狀或雖出形與針頭相似稠密無縫此皆惡候良工

避之勿與施治也

寒粟針頸
不治

痘瘡初出解咽喉

喉痺咽瘡毒火饒

祇恐後來封管籥

錯喉聲啞治徒勞

凡瘡疹未有咽不痛者心胃有熱上攻於咽乾澀而

咽喉痛者
主治

甘桔痘宜
常服

口瘡齩腫
主治

水漿不入
主治

疼宜於發熱初出之時預解之。甘桔湯七加牛旁子
甚者東垣涼膈散一百四十七加牛旁子

不停留於咽喉之間致生他變也。若初時隱忍不即

解之以致毒留咽喉發而為瘡腫脹潰爛水穀不入

呼吸不能聲啞難言却欲呼醫悔無及矣。所以甘桔

湯七瘡出之後常宜飲之利咽喉寬胸膈清肺金解

毒火也。如兼口舌生瘡齒浮齩腫者宜甘桔湯七合

黃連解毒湯入十九加牛旁子水漿不入者射干鼠

粘子湯六十加桔梗荆芥穗山豆根已上證候須能

小便清大

便澹禁用

牛旁子

食臟腑亦熱方可用如上焦雖熱却覺小便清大便澹飲食不進者只用甘桔湯不須加牛旁子蓋其性涼為瘡疹所宜服者能透肌出癰瘡是以瘡疹易出也大便利則不可服

英山縣馬四衢一子年五歲己春出痘痘不起發聞吾在孔家坊舖鄭宅教書其兄馬鳴山自來迎請予往視之曰此順痘也馬氏兄弟曰不起發何如曰毒甚者則頭面腫毒微者則頭面不腫非不起發也又呼咽痛四衢憂之予曰此痘家常病

咽痛治驗

喜喉舌無瘡，頸項間痘稀，不足怪也。乃以甘桔湯加牛旁子水煎，細細嚥之，咽痛卽止。飲食無阻，十三日而安。四衢曰：向吾小豚咽痛，服藥輒效，何神也？予曰：痘疹者，火毒也。火氣上熏，咽喉豈不作痛？故用桔梗之苦，以開其結；甘草之甘，以瀉其火；牛旁子之辛，以解其毒。是以效也。若喉舌有瘡，則壅塞潰爛，頸項多痘，則封鎖熏炙，必爲滄水，失聲之證，令嗣無之，故曰不足怪也。馬氏兄弟曰：吾邑有是神醫，諸兒得免橫夭。

護目法

若恐斑瘡入眼中

古方護目有神功

眼多眵淚睛多赤

急瀉心肝免毒攻

痘瘡方出之時使不入目以神應膏六十六塗眼四

周或只以臘脂取汁塗之或傳以水調黃蘗末或以

白芥子末水調塗足心此皆養護之良法也若眼中

流淚或多眵或目中紅赤此肝火大旺宜早解之洗

肝明目散九十五加蟬蛻又有忌食之法如醜厚滋

味牛雞鶩鴨皆不可食往往食雞鶩鴨卵未有不為

目害者但令食清淡之物或少入鹽亦無害如湫隘

眵淚多睛赤主治

雞鵝鴨卵不可食

之家不可煮雞鵝鴨卵其氣相襲亦能損目不可不知

痘瘡只出一般奇 夾疹夾斑都不宜

消疹化斑令毒解 若還不解勢傾危

痘出夾疹
夾斑主治

錢氏云痘瘡只出一般者善凡痘初出其間碎密若瘡子者夾疹也皮肉紅腫成片者夾斑也疹由心熱斑由胃熱宜急解其毒消疹用黃連解毒湯八十九

合消毒飲化斑用人參白虎湯二十四合消毒飲十

六或只以升麻葛根湯一夾疹者加防風荆芥穗木

通麥門冬、黃連、夾斑者，加石膏、人參、大青、玄參、淡竹葉，如疹散斑解現出，正痘疎密停勻者，吉。痘被斑疹夾雜不能起發者，凶。

蘄水縣羅良制之妻曾六姐，與陳之南之妻姊妹也。丙申冬出痘，時年二十七，遍身紅斑如蚤跡，衆醫視之皆曰不治而去。乃托陳之南修書請予往，予觀其神識精明，語言清亮，診其六脈調勻，問其飲食如常，大小便調，不煩不渴，但遍身紅斑稠密無縫，色且帶艷。予曰：此夾斑痘證也。曾畏死乞救。

之言甚哀。予以言解之曰：此病非吾不能治也。斑痘相雜，故難識耳。解去其斑，則痘自見。汝切勿憂。亟作荆防敗毒散，加玄參、升麻，作大劑，只一服。次早視之，則斑跡不見，痘粒可摸矣。再進一服，其痘起發，喜無他疾，調理半月而安。

斲水縣汪白石，一小義女，方二歲，出痘，遍身紅點，大小相雜，無有空處。白石曰：此女難治。予以此夾斑夾疹，夾痘證也。乃教吾次男邦孝，以升麻、葛根、湯、加防風、荆芥、玄參、連翹、牛旁子、淡竹葉、木通一

服減十之三，再服減十之七，三服痘子磊落明白，亦不甚密也。白石曰：先生神術，有回天之力也。

熱病相傳發疱瘡

須臾周匝盡成漿

見而便沒爲膚疹

相類斑瘡折後殃

膚疹

聞人氏云：傷寒熱邪在表裏，未能作汗，或當汗不汗，熱鬱於肌膚，故發泡瘡。色白，或赤如火丹，頭作漿，白膿者輕，根下紫色隱隱在肌肉者重。甚者五內七竅皆有之。其形亦如痘。小兒肌肉嫩薄，尤多此證。非正瘡痘也。又云：六腑屬陽，有熱則易出，是以作膚疹。一

瘡痘

水疱膿疱
斑疹正瘡
瘡之辨

出即遍滿肌皮之上如癩瘡細。瘡子見而便沒其所受氣淺故也。五臟屬陰有熱則難出其為瘡痘在肌肉血脉之間必先發紅斑而後如豆故名瘡痘。其所受氣深故也。大抵暴熱而便出者必膚疹久熱而難出者必是正瘡痘。膚疹非正瘡痘也。愚按瘡痘初出五臟不同。肝水。瘡其色微青而小。肺膿。瘡其色微白而大。心為斑色赤而小。脾為疹色赤黃而淺。及五七日之後不問其初出自何臟悉成血瘡。血瘡成膿。瘡正如豆樣。膿瘡之後結痂。疔則愈。此方是正瘡痘也。

或人疑之曰、肺既爲膿疱、而血疱之後、又成膿疱者、何耶、蓋膿疱之出於肺者、言其初時淡淡如膿、其色白、而非黃、俗稱白痘者是也、若血疱之後、所結膿疱、則是其瘡已熟、譬諸果之成實、飽足充滿、包裹黃膿、其色黃、而非白也、

點點紅斑出復收、

會將形證細推求、

若無變證無他苦、

折過天瘡不用憂、

人有恒言、自少至老、有不出痘者、乃天赦日生、不出痘也、予初不信、豈有天赦日生、便不出痘者、痘乃胎

發斑不出
痘

發斑不出
痘症驗

毒一名百歲瘡。謂其自少至老不能免也。或在痘疹大亂中曾發熱來。但見一二三四粒而不覺也。此痘之最輕者。近見有出紅斑者。數日盡收。痘亦不出。更無陷伏惡證。癰疥餘毒。自後痘瘡再不出者。或是之類歟。蓋胎受之毒。在心爲斑。在脾爲疹。在肝爲水痘。在肺爲膿痘。惟腎無病。故斑疹膿痘水痘俱同一類。但受毒甚者。四病悉具。受毒微者。平生只一病矣。本邑官衙出痘。先二衙一子一女出過。惟一長子。後發熱見紅斑。予疑是夾斑證。三四日後其斑盡

收熱退身涼而痘不出矣。父四衙小男女正出痘，有公子發熱亦出紅斑，與前證同，後亦無恙，乃信平生有不出痘者，或發斑或發疹，或發水痘，皆可折過也。此在正出痘時方論。

熱甚從來出亦難 平和湯劑解煩寬

莫將辛熱輕催併 猛虎何當有翼添

瘡痘本因熱而出，熱勢甚則其出愈難，故斑點未見之時，惟常用平和藥，如升麻葛根湯、參蘇飲、三東

熱甚宜用
平和之藥

垣鼠粘子湯、一百七 性惺散、一百十四 等解利之或

裏毒甚表
毒甚者主
治

有不問虛實，便以辛熱之劑大發之，施之虛者猶庶
幾焉。若盛實之人，熱毒彌蔓，榮衛閉塞，裏毒甚者，大
便不通，小便如血，是謂鬱毒不散，毒氣無所從出，反
攻臟腑，表毒甚者，瘡凹而不起，遂成倒陷，或爲潰爛，
或爲癰瘡。當此之際，不能解利，至於斃者多矣。是陽
盛熱熾，無陰氣以感之也。用消毒飲十六柴胡飲子
九十九得毒氣解散，榮衛流通，瘡子將自起矣。

痘子依稀略見形

渾身瘙癢苦難禁

皮膚拂鬱宜疎解

莫作肌虛一類評

痘出瘙癢
主治

凡痘瘡初出之時，便身癢爬搔不寧者，此毒火留於肌肉之間，應出不出，游散往來，故作癢也。與傷寒太陽證身癢汗不出者同論。桂枝葛根湯五加荆芥穗、牛旁子主之，不可作肌肉虛癢也。

英山縣鄭斗門丁酉年始得一子，辛丑年春出痘，將放標見形時，便作癢爬搔不能禁，亟請予往治之。其弟七山迎謂曰：吾兄只此一子，今痘出作癢，吉凶如何？予曰：起發時作癢者逆也，貫膿時作癢者逆也，將靨時作癢者險也，險者可治，逆者不可。

痘初出發
養治法效
驗

治出現便癢經傳中原無是證待吾思之斗門夫
婦惟撞頭搥胸而哭家人惶惶予謂七山曰吾得
之矣請令兄斗門同議斗門明醫也予謂斗門曰
吾思仲景傷寒正理論云太陽經病身癢者此邪
在表欲出不得出也桂枝麻黃各半湯陽明經病
皮中如蟲行者此肌肉虛也建中湯令嗣身癢正
是痘欲出不得出與太陽證同非陽明肌肉虛證
也乃以各半湯方內去桂杏加升麻葛根牛旁子
一服而癢止痘出甚密留予守治半月而安斗門

謝曰、非先生識見高明、安能達仲景之妙、

夾斑夾疹利清水、

妄見妄言摸牀被、

煩渴唇裂眼珠紅、

不遇明醫病不起、

表裏俱熱
主治

此險痘也。夾斑夾疹、眼紅唇裂者、表熱也。煩渴利清水、妄見妄言、循被摸牀者、裏熱也。其清利水者、內有燥屎、所飲之水、自腸中滲泄而下也。譫妄摸牀、神識不清也。表裏俱熱、不與發表攻裏、其病難痊、雙解散、四、不去芒硝、主之、再加悶亂、足冷、腹脹、氣喘、決不可

治、

表裏俱熱
治驗

下後痘密
治驗

壬戌三月間，吾第七子婦徐患痘，大熱大渴，眼紅唇裂，自利清水，妄見妄語，循衣摸牀，遍身紅斑，俱如蚊跡，皆逆證也。諸子危之，予與四男，邦治議曰：此毒在三焦，表裏俱熱，非大發大下之劑，不可救也。乃以通聖散全料大劑與之，纔一劑而前證悉去，痘亦出現，十分稠密，復用十全大補湯去桂，加防風、金銀花、連翹、桔梗，調理而安。其痘自下收起，亦異事也。

趙曰：臨胸一小兒，痘見點時，發熱，太陽頭痛，口渴。

用升麻、葛根、白芍、炙甘草各一錢，羌活、川芎各五分，煎服即痊。

發熱過期痘未彰

紅斑隱隱肉中藏

忽然大汗人昏倒

冒痘誰知是吉祥

冒痘吉

凡發熱至五六日，痘應出不出，以燈照之，只皮膚中隱隱有紅點，其人色脈平和，精神爽快，雖煩不躁，雖渴不消，雖腹痛而不苦，雖便實而不鞭，忽然眩冒，大汗出者，此名冒痘證也。毒氣一齊從汗而出，再無壅遏之患，乃吉兆也。

○出痘時辨生死訣

一 出痘時心腹大痛不止口中出臭氣瘡出紫黑色
黯者決死勿治

一 痘出色白皮薄而光根窠全無紅色或根下帶一
點紅三五日後如菜豆樣此痘決不能成膿只成
一泡清水拆破卽死勿作好痘治之

一 痘出色紅帶艷皮肉盡紅者必不能成膿癢瘍而
死勿治

一 痘出瘡頂焦黑根窠枯燥者必不能起發四五日

痘疹心法
卷之三
三
死勿治

一痘出全不起頂如湯潑及燈火燂者六七日後決
癢瘍而死勿治

一痘出都是紫黑血泡者卽死勿治

一痘出不快乍見乍隱口鼻血出者卽死勿治

一痘出就是清水皮薄脚太紅者五六日後癢瘍而

死勿治

一痘應出不出只見紅斑如蚊跡者卽死勿治

一痘出都是空殼不成膿水者卽死勿治

一痘出便是黑斑如痣狀又肌肉有成塊黑者卽死
勿治

一痘未出胸背手足後有一塊紅腫處如癰者卽死
勿治

痘疹世醫心法卷之三終